

# Kaupae 1 Hangarau 2024

## Tautuhinga Aromatawai Ā-Waho

**Te Paerewa Paetae**

92055

**Te Ingoa**

Te whakaputa hanga hangarau

**Te Marautanga**

Te Marautanga o Aotearoa

**Te Wahanga Ako**

Hangarau

**Ngā Whiwhinga**

E 6

**Te Tukanga Aromatawai**

He Kete Manarua

**Te Wā Tuku Aromatawai**

1 o Oketopa - 30 o Oketopa 2024

### Te Kete Manarua

Ko te KETE i pū mai i te pā harakeke, ā, he whakapapa tōna.

He MANA tōna, e RUA hoki ōna āhuetanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

### Te Whakatakotoranga Aromatawai

#### *Te Hiahia Motuhake*

E hāngai ana tēnei paerewa paetae ki te whakaputanga o tētahi hanga hangarau hei whakaea i tētahi hiahia motuhake.

#### *Te Tauāki*

Ko te tauākī, he kōrero whakamārama i te āhua, i ngā rawa kua whakamātauhia, kua panonihia anō hoki hei rawa hanga hangarau.

Ka whakawhanaketia hoki te tauākī i ngā paerewa paetae 92054, 92053, me te 92052. Ka whakamahia anō ngā kōrero kei ēnei paerewa paetae hei whakaatu i te hāngai o te hanga hangarau ki te tauākī.

He mea nui kia kitea mai te whakatinanatanga o tā te tauākī i whakatau ai i te hanga hangarau.

### ***Te Hanga Hangarau***

1. Ka whakauruhia e te ākonga te tauākī. Mā te tauākī:
  - e tautohu, e whakamārama te hiahia motuhake
  - e parahau te hanga hangarau ka whakaputaina
  - e tautohu ngā āhuatanga o te hanga kia mārama ai te tangata ki te āhua
  - e tautohu, e whakaahua, e whakamārama ngā āhuatanga i eke ai te hanga hangarau.
  
2. Ka taunaki te ākonga i ngā āhuatanga i eke ai te hanga hangarau.
  - Ka taunakitia te whakaputa hanga hangarau.
  - Ka whakaritea te taunakitanga.
  - Ka whakaaturia te hāngai o te hanga hangarau ki te tauākī.
  - Ka kitea ngā hua o te whakamātau, o te whakaharatau, o te panoni i te hanga hangarau ka whakaputaina.
  - Ka whai māramatanga ki ngā ārai me ngā huarahi wātea
  
3. Hopukina ngā hua hei taonga, hei takohatanga, hei whakaaturanga. Mā te ākonga ēnei huarahi e whai hei kapo i āna taunakitanga:
  - Te oro .mp3
  - Te toi .jpeg, .jpg, .png
  - Te tuhi .doc, .docx, .pdf
  - Te matihiko .ppt, .pptx
  - Te kiriata .mov, .mp4
  - Te Excel .xlsx

### **Ngā Herenga Aromatawai**

He mahi takitahi tēnei mahi nā te ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Te Kete Manarua ā-matihiko:

- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, huripoki rānei);
- me tāmāua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi o ngā ākongā? He tukanga, he taunakitanga e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau o te kura hoki ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
  - » Kōrero ā-waha: he uiui kaumātua, pakeke, rangatira, mātanga rānei;
  - » Ngā pukapuka i whakaputa;
  - » Ngā pukapuka kāore i whakaputa;
  - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA) - [Tāpaetanga pūnaha hou NZQA](#).

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waea rānei i te NZQA Contact Centre mā te nama 0800 687 296.